

HIERONYMUS.

¹GAZA, civitas Evæorum, in qua habitavere Cappadoces pristinis cultoribus interfectis. Apud veteres autem erat terminus Chananæorum juxta Egyptum, ceciditque in sortem tribus Judæ, sed eam tenere non potuit: quia Enacim, id est, Gigantes fortissimi Allophylorum restiterunt, & est usque hodie insignis civitas Palæstinæ. Queritur autem quomodo in quodam Propheta dicatur Gaza futura in tumultum semperiternum? Quod solvitur ita, antiquæ civitatis locum vix fundamentorum præbere vestigia: hanc autem, quæ nunc cernitur in alio loco, pro illa quæ corruit edificatam.

GAZARA. Vide GAZER.

²GAZER, in sorte tribus Ephraim, urbs separata Levitis: quam expugnavit Jesus rege illius interfecto. Edificata est autem postea à Salomone. Nunc Gazara villa dicitur in quarto miliario Nicopoleos contra Septentrionem. Verumtamen sciendum quod alienigenas ex ea Ephraim non potuit expellere.

³GAZERA, ubi David percussit alienigenas.

GEB A, eadem quæ Gabaa in tribu Benjamin. Vide GABE.

⁴GEBAL, mons in terra repositionis, ubi ad imperium Moysi altare constructum est. Sunt autem juxta Hierichum duo montes vicini contra se invicem respicientes, è quibus unus Garizim, alter Gebal dicitur. Porro Samaritani arbitrantur

EUSEBIOΣ.

Γάζα, πόλις τῶν Εὐαίων, ἐν ᾗ κατέκταναν Καππάδοκες τοὺς Εὐαίους ἀνελόντες. τὸ παλαιὸν δὲ ἦν τὸ ὄριον τῶν Χανααίων τῶν πρὸς τῇ Αἰγύπτῳ, καὶ ἀφάρισθη μὲν τῇ φυλῇ Ἰούδα, οὐ μὴν ἐκράτησεν αὐτῆς, οὐ δὲ ἠφάνισε τοὺς ἐν αὐτῇ ἀλλοφύλους· μένει δὲ εἰς ἔτι νῦν πόλις ἐπίσημος τῆς Παλαιστίνης.

Γαζέρι, κλήρη Εφραίμ, Λευίταις ἀφωρισμένη καὶ ταύτην ἐπολιόρκησεν Ἰησοῦς τὸν βασιλέα αὐτῆς ἀνελών, ἦν καὶ ὠκοδόμησε Σολομών, καὶ νῦν καλεῖται Γαζάρα κώμη Νικοπόλεως ἀπέχουσα σημείοις δ' ἐν βορείοις, οὐ μὴν ἀγείλιν ἐξ αὐτῆς τοὺς ἀλλοφύλους Εφραίμ ἢ φυλή.

Γεζιρά, ἐνθα ἐπάταξε Δαβὶδ τοὺς ἀλλοφύλους, καὶ ἀνώτερον κεῖται Γεζέρ.

Γεβάλ, ὅρος ἐν τῇ γῇ τῆς ἐπαγγελίας, ἐνθα κελεύει Μαυσῆς στήσαι θυσιαστήριον, καὶ λέγεται παρακεῖσθαι τῇ Ἱερικῶ ὄρει δύο κατὰ πρὸς ὁππότερον ἀλλήλων καὶ πλησίον ὧν τὸ μὲν εἶναι Γαριζὶν, τὸ δὲ Γεβάλ. Σα-

EUSEBIUS.

GAZA, civitas Evæorum, in qua habitavere Cappadoces interfectis Evæis. Porro olim fuit terminus Chananæorum Ægypto vicinorum, & fuit assignata tribui Juda, non tamen eam tenuit, neque alienigenas in ea de medio sustulit. Perseverat autem usque hodie nobilis civitas Palæstinæ.

GAZER, fortis Ephraim, Levitis separata: & hanc expugnavit Jesus rege illius interfecto, quam ædificavit Salomon, ac nunc vocatur Gazara vicus distans Nicopoli quatuor miliaribus in parte septentrionali: non tamen sustulit ex ea alienigenas tribus Ephraim.

GESERA, ubi David percussit alienigenas. Et superius posita est (vox) Geser.

GEBAL, mons in terra repositionis, in quo jussit Moyses erigi altare, dicunturque adjacere Hierichunti duo montes sibi mutuò oppositi & vicini: quorum alter Garizim, alter Gebal. Alii porro Samaritæ demonstrant hos (montes) sitos

NOTÆ.

1. Fuit hæc Gaza celebris olim civitas, & una ex Satrapiis Philistinorum, eademque versus meridiem extrema, & Ægypto proxima, ad quam ductus Samson multis millibus Philistinorum fani ruina oppressis occubuit. Quod autem dicitur hic de Hevæis & Cappadocibus, id Gazæ non est proprium, sed toti Philisthææ regioni, quam prius Hevæi tenebant, sed à Cappadocibus, seu Philisthæis cæsi aut pulsi sunt. Vide quæ habentur, Deut. 2. v. 23. & quæ nos de hisce Cappadocibus ad eum locum diximus. Habes eam Judæ attributam tribui, Jos. 15. v. 47. eandemque ab iis qui de ea tribuerant, expugnatam, Judic. 1. v. 18. sed non diu ab iis fuisse retentam, Philisthæosque eam paulò post recuperasse indicatur Judic. 3. v. 3. Eadem urbs (si tamen eadem) alibi in nostra versione vocatur Aza, 1 Paral. 7. v. 28. qua de re ad eum locum. Dixi, si tamen eadem, quia situs Aza ibi videtur repugnare Gazæ, etsi Hebraica scriptio congruat. IDEM.

2. Hæc quoque in versione nostra Gazer, vel Gezer, vel Gazera, vel etiam fortè Gazara appellatur, de qua re paulò post. De Gazer in tribu Ephraim, sed in ejus ad Austrum finibus non procul mari habes, Jos. 16. v. 3. Ejus regem interfectum à Josue habes Jos. 10. v. 33. & Cap. 12. v. 12. Inter Leviticæ civitates tribus Ephraim censetur, Jos. 21. v. 21. & 1 Paral. 6. v. 67. Eam tamen ad multa tempora Israëlitæ non obtinuerunt, remanentibus in ea pristinis habitatoribus Chananæis, Jos. 16. v. 10. Judic. 1. v. 29. donec tandem Salomonis regis tempore eam cepit Pharao rex Ægypti & Salomonis focer, cæsis, qui in ea erant, Chananæis, quam & Salomoni in dotem filia suæ dedit. Eadem videtur urbs illa, cujus toties fit in libris Machabæorum mentio, appellaturque Gazara; etsi nonnullam difficultatem huic opinioni videatur facere, Lib. 1 Machab. Cap. 14. v. 34. ubi Gazara ponitur in finibus Azoti, quod esse non potest, si vel Azotus ponatur proxima post Gazam Philistinorum Satrapia, uti nos statuimus, vel omnium media, ut eam Adrichomius collocat, cum ultiores Satrapie Geth & Accaron vix ad Ephraimitas pertingerent. Nihilomi-

nus eandem esse Gazaram & Gazer existimo, & ibi Machab. 14. positos esse fines Azoti pro finibus Palæstinorum, quod fortè Azotus tunc temporis cæteris Palæstinorum urbibus illustrior haberetur, ab eaque tota Palæstinorum regio fines Azoti dicta sit. IDEM.

3. Eadem est quæ proximè Gazer. Historiam autem illam de percussis à Davide alienigenis, seu Philisthæis à Gabaa usque Gazera, habes 1 Paral. 14. v. 16. pro quo 2 Reg. 5. v. 25. habes Gezer. IDEM.

4. Hebal hic mons in versione nostra dicitur, è quo maledictiones in divinæ legis violatores vibrandæ erant. Vide supra in Garizim. Ponendos hos duos montes esse juxta Neapolim, seu Sichem, non juxta Hierichunta, ut videtur hic velle Eusebius, liquet ex iis, quæ nos diximus supra in Garizim, quæ nos sustinuit deduximus ad Deuteronom. 11. v. 30. Sed neque hos montes longius à se invicem abducendos esse, quin potius ita vicinos fuisse, ut benedictum & maledictum voces utrimque exaudiri possent, exigit tota illa historia Jos. 8. à v. 30. in qua hæc benedictiones & maledictiones utrimque distributæ leguntur. Quin & hoc ipsum, montem videlicet utrumque urbi Sichimorum vicinum fuisse testatur disertis verbis Josephus Lib. iv. Antiq. Cap. ult. Et de monte Garizim rursum id disertè asserit Lib. xi. Antiq. Cap. ult. & Hieronymus in Epitaphio Paulæ. Est alia Gebal urbs Phœniciæ, cujus fit mentio, Psal. 82. v. 6. à quo nomen patronymicum Giblii, quorum aliquoties in Scriptura fit mentio. Vide supra in Byblos & Gabli. IDEM.

5. Σαμαρείται δὲ ἑτέροι· Ἰμὸ ἑτέρα; nempe, δύο ὄρη, nam sequitur, τῇ νύκτι πόλιν παρακεῖμενα. Ostendebant duos alios montes ad Neapolim sitos. Res est liquida, & lectio vulgata Samaritæ alii absurda. Quinam enim erant alii illi Samaritæ? Miror Bonfrerium hoc non vidisse, quem securè etiam sequutus est Parisiensis Hieronymi Editor. Cæterum, ut ostendit Bonfrerius, rectè sentiebant Samaritani, quibus ex odio malè Eusebius & Hieronymus contradicebant. Simile invenias & in Golgol. CLERICUS.